

UNIVERZITET U SARAJEVU

FILOZOFSKI FAKULTET

Na osnovu članova 79. i 83. Zakona o visokom obrazovanju ("Službene novine Kantona Sarajevo" broj: 33/17.), člana 129. Statuta Univerziteta u Sarajevu, člana 21. do 27. Pravila studiranja za treći (III) ciklus studija na Univerzitetu u Sarajevu – Doktorski studij broj: 01-1101-79-1/18 od 19.12.2018, Odluke Senata Univerziteta o saglasnosti za otvaranje trećeg ciklusa studija književnosti broj: 01-38-997/13 od 03.04.2013. godine, Prijedloga Vijeća doktorskog studija od 14. 10. 2019. godine, Prijedloga odluke Vijeća Filozofskog Fakulteta broj: 03-09/277 od 20. 12. 2019. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija – doktorski studij književnosti u studijskoj 2019/2020. godini broj: 01-1-15/20 od 29. 01. 2020. godine i Prethodne saglasnosti Ministarstva za obrazovanje, nauku i mlade Kantona Sarajevo na raspisivanje konkursa za upis studenata trećeg ciklusa studija – doktorski studij književnosti u studijskoj 2019/2020. godini broj: 11-05-38-2583-1/20 od 18. 02. 2020.godine, Filozofski fakultet Univerziteta u Sarajevu *objavljuje*

KONKURS

za upis studenata TREĆEG CIKLUSA - DOKTORSKI STUDIJ KNJIŽEVNOSTI

na Filozofskom fakultetu Univerziteta u Sarajevu u studijskoj 2020/2021. godini

I

Konkurs se raspisuje za upis studenata u treći ciklus studija - doktorski studij koji se organizuje iz matične oblasti književnost, pod nazivom ***Doktorski studij književnosti***.

Studij se organizuje u trajanju od tri godine, a njegovim završetkom stiče se naučno zvanje *doktor književnih nauka/znanosti (pripadajuće polje/grana)*. Polje/grana: Arapska književnost, Književnosti na engleskom jeziku (engleska, britanska, američka, postkolonijalna književnost), Francuska književnost, Italijanska književnost, Njemačka književnost, Perzijska književnost, Rimska književnost (književnost na latinskom jeziku), Slavske književnost/Ruska književnost, Turska književnost (književnost na savremenom i osmanskom turskom jeziku), Teorija književnosti.

II

Pravo pristupa doktorskom studiju i podnošenja prijave imaju slijedeći kandidati:

1. Kandidati koji su stekli diplomu drugog ciklusa studija i akademsku titulu magistra ili ekvivalenta iz oblasti humanističkih ili srodnih nauka sa posebnim uklonom ka studiju književnosti, stečenu na Filozofskom fakultetu Univerziteta u Sarajevu.
2. Kandidati koji su stekli diplomu drugog ciklusa iz oblasti humanističkih ili srodnih nauka sa posebnim uklonom ka studiju književnosti i/ili akademsku titulu magistra ili ekvivalenta, stečenu na drugoj visokoškolskoj ustanovi u zemlji i inostranstvu.
3. Kandidati koji su stekli naučni stepen magistra iz oblasti humanističkih ili srodnih nauka sa posebnim uklonom ka studiju književnosti po predbolonjskom studiju, stečenu na Filozofskom fakultetu Univerziteta u Sarajevu ili stečenu na drugoj

visokoškolskoj ustanovi u zemlji i inostranstvu, po ranijem Zakonu o visokom obrazovanju, kojima se priznaje 60 (E)CTS bodova.

4. Kandidati strani državljani prijavljuju se na konkurs pod istim uslovima kao i državljani BiH, uz uslov da dostave rješenje o nostrifikaciji ranije stečenih zvanja.
5. Kandidati koji pohađaju srodni doktorski studij.

III

U skladu sa članom 26c. Pravila studiranja za treći ciklus studija na Univerzitetu u Sarajevu – Doktorski studij, studenti dokorskog studija mogu studirati u punom radnom vremenu ili u dijelu radnog vremena (studij se organizira kao redovni i kao vanredni studij, u zavisnosti od interesa i mogućnosti prijavljenih kandidata).

IV

Nastava za studij će se organizovati za sve kandidate koji ostvare pravo na upis.

V

Visina školarine iznosi 5.000,00 KM po godini studija.

Uz prijavu na konkurs, kandidati su obavezni dostaviti:

1. Biografiju
2. Diplomu o završenom prethodnom obrazovanju (original ili ovjerena fotokopija)
3. Rješenje o nostrifikaciji (original ili ovjerena fotokopija)
4. Uvjerenje o položenim ispitima iz prethodnog studija (original ili ovjerena fotokopija)
5. Izvod iz matične knjige rođenih (original ili ovjerena fotokopija)
6. Uvjerenje o državljanstvu (original ili ovjerena fotokopija)
7. Potvrda ili neki drugi dokaz o poznavanju stranog jezika

VI

Konkurs ostaje otvoren 15 dana od dana objavljivanja.

Prijave dostaviti putem pošte na adresu: Filozofski fakultet Univerziteta u Sarajevu, ulica Franje Račkog 1, 71000 Sarajevo; Prijave sa naznakom „Prijave za upis na doktorski studij književnosti. Nepotpune i neblagovremene prijave se neću uzeti u razmatranje.

Obrazac prijave može se preuzeti sa WEB adrese Fakulteta www.ff.unsa.ba.